



Een verzwegen traauwerij

Bliedspul ien drij bedrieven

deur

E. TORRENGA

TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl

VOORWAARDEN

Alle amateurverenigingen die het stuk: **EEN VERZWEGEN TRAAUWERIJ** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **E. TORRENGA** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: © 2007 Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **9** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

SPEULERS:

Gerrie Starkenborg	een bekakte doame zwoar opmoakt
Betsy	heur dòchter een verwende dwingeland
Coba	dainstmaaid
Tiddo Staghouver	buurjong is zwoar verlaifd op Betsy
Henry van Ripperma	majoor ien militaire dainst op leeftied Hèt n grode snor en bakkeboorden
Harm Berends	man van Betsy
Sofie ten Hoorn	kennis van de familie vrijgezel
Govert van Dusschoten	zoaken relotie van de Starkenborgs
Jan Berends	pa van Harm klompenmoaker

EERSTE BEDRIEF

(Bie 't open gaan van het douk is Tiddo allain op 't toneel. Hai zit en is blikboar zenuwachteg, verannert van holling, gaat stoan en gaat weer zitten. Hai is komen om Betsy ten huwelek te vroagen! Gaait weer stoan en belt weer. Coba komt den op)

Tiddo: *(kikt op zien horloge)* Coba, hemmen de doames altied een haalf uur neudeg om zich te klaiden?

Coba: Nee meneer, sums duurt 't veul langer.

Tiddo: O, ik wacht al n haalf uur op Betsy.

Coba: Nou, meneer Tiddo, veur zover as mie bekend is, wachten wie al n poar joar op.... joe.

Tiddo: Coba, doe moaks misbruuk van 't feit, da's doe mie al kens as n klaine snötneus. Bis er zeker van dat Betsy thoes is?

Coba: Veur joe altied, meneer.

Tiddo: Oh.

Coba: Boetendes geloof ik, dat ze joe verwachtte.

Tiddo: *(vlug, zenuwachteg)* Hou zo?

Coba: Nou meneer, vanòf 't moment, dat ze thoes komen is, is 't opvallen, dat ze.... aargens op wachtte.

Tiddo: Iets moois?

Coba: Ja, wat zel ik zeggen.... ik zel juffraauw Betsy even woarschouwen, dat joe op heur wachten. *(noar deur)*

Tiddo: Coba! *(ze draait heur om)* Kens doe zo 't regeln dat wie nait steurt wòren?

Coba: *(begriepend knikkend)* Ik begriep joe meneer! *(bie deur)* Veul succes, heur. *(òf)*

Tiddo: *(lòpt wat hìn en weer, heurt wat achter deur, runt noar deur en zegt, as hai deur open dut)* Betsy ik wacht nou al....

Henry: *(ien deur)* Op mie, Tiddo?

Tiddo: *(ontzet)* Om de dooie dood nait! *(lòpt terug noar stoul en gaat zitten en kikt recht veur hom oet. Henry komt achter hom aan blift even stoan trekt zien schollers op en gaat ook zitten tegenover Tiddo. Zo zitten ze even tegenover mekoar zunner wat te zeggen)*

Tiddo: *(kikt op zien horloge)* Vatteg minuten.

Henry: *(kikt ook op zien zakhorloge)* Precies vief uur.

Tiddo: *(ongeduldeg)* Tied om op te hoepeln, Henry.

Henry: Een van Ripperma hoepelt nooit op, jongeman.

Tiddo: Een Staghouver net zo min.

Henry: Kens doe Betsy al laang?

Tiddo: Ien de 80 joarege oorlog waren er al Staghouveren en Van

Starckenborgs.

Henry: n Wonderleke jongedoame, dij Betsy. Ze is doelbewust en punctueel.

Tiddo: Ja.... ja! Punctueel! (*kikt op horloge*) 45 minuten....!

Henry: Ik zel nooit de eerste keer dat ik heur zag, vergeten. Het was bie de ramp ien Afghanistan. Doar stond n jongedoame eten oet te dailen aan de slachtoffers.

Tiddo: Betsy?

Henry: Ze was door om eten oet te dailen veur 't Rooie Kruus.

Tiddo: En doar hemmen joe heur zain.

Henry: Ja, doar heb ik heur zain. Een prachtvraauw is het, dij een man gelukkeg moaken kin.

Tiddo: (*gaait stoan, hai wait nou hou de vörk ien de steel zit*) Nou wait ik woarom joe hier bennen!

Henry: Woarom ik hier ben?

Tiddo: Netuurlek.... En nog wel ien 't swaart.... Joe bennen hier om heur ten huwelek te vroagen.

Henry: Idioot.....

Tiddo: Dat ben ik mit joe ains.

Henry: Nou mos es goud noar mie luusteren, (*mit noadruk*) Meneer Staghouver. Nou doe dij toon tegen mie aanslachs, vien ik er aigenlek niks idioots ien.... Às ik dat doun zol.....

Tiddo: Ik ken joe wel zeggen dat Betsy er nait de vraauw noar is om heur aan zo'n òlle kerel te vergoeien!

Henry: Vergoeien! Alhouwel ik dit gain passend gesprek vien, wil ik toch wel zeggen, dat ik Betsy as te intelligent beschouw om heur leven te dailen mit n verwoande jonge kwast!

Tiddo: Zeg es eerlek, was het joen bedoulen, ja of nee?

Henry: Wel... ik.... ik.

Tiddo: (*gaait vlak veur hom stoan*) Den zel ik 't wel zeggen. Ik ben hier komen om heur te vroagen of ze mit mie traauwen wil.

Henry: (*gaait ook stoan en zo stoan ze vlak veur mekoar*) Ik ook! (*ze kieken mekoar strak aan, even is 't stil*)

Tiddo: Ik was hier 't eerst!

Henry: Goud.... mor ik....

Tiddo: Ja.... ja.... joe bennen de òldste, mor dat zegt mie niks. (*ze goan zitten, even pauze en ze kieken mekoar aan*)

Henry: Kiek es jongeman, bis 't mit mie ains dat wie mekoar hier as n poar domme ezels aan zitten te kieken?

Tiddo: Dat is ien joen noadail, opa.

Henry: Opa!!! Nou ja, loat ook mor. Mor as wie baaiden blieven....

Tiddo: Ik ben toch wel ien 't veurdail, ik moak mie gain zörge.

Henry: As wie er nou om goan tössen wel de eerste kans krigt. (*pakt n munt oet buus*) De verlaizer gaat nou weg. Ik win netuurlek.

Tiddo: Of ik....

Henry: Wie zellen 't wel zain. (*kikt Tiddo vroagend aan*)

Tiddo: Kòp!

Henry: Den heb ik munt. (*goeit het muntstuk op, baaide bukken zich om te kieken wat boven is mit 't gezicht noar 't publiek*)

Tiddo: Zain joe wel, 't is kòp! Dus ophoepelen en zo vlug meugelek.

Betsy: (*as ze baaide nog gebukt stoan komt Betsy op. Ze is n pitteg type. Ze blift even ien deur stoan, lòpt den vlug noar baaide krom stoande mannen en petst ze baaide tegeliek ain tegen de kont*) Wat leuk van joe baaide om even langs te komen. (*ze schrikken zich te pletter en stoan mit open mond Betsy aan te kieken*)

Tiddo: Ik haar die nait heuren komen.

Henry: Het is altied de muite weerd om op die te wachten, Betsy.

Betsy: Dank je wel, Henry.

Tiddo: Doe kwams net op tied.....

Betsy: Houzo?

Tiddo: Nou, ain van ons zol net weggoan.

Betsy: Wel dat den?

Tiddo: (*vlug*) Henry.

Betsy: Mor doe drinks toch eerst nog n kòpke thee mit?

Coba: Op mit n bred mit thee spullen. (*stil spul tussen Tiddo en Coba dat 't nait heur schuld is. Ze zet alles bie Betsy neer*)

Betsy: Dank je Coba. Huifs nait te blieven. (*Coba mit tegenzin òf*) Ze is n beedje verwend, (*schenkt ien*) citroen of melk, Henry?

Henry: Citroen groag. Joen personeel bennen zeker allemoal òld gedainden, dij hoesknecht leek mie ook nait zo jong meer.

Betsy: Ja, mor ma hèt hom vanmörn ontslag geven, want hai is mit gain 7 peerden meer veuroet te branden. Ik heb zonet n bureau belt veur n ander.

Tiddo: Kens ook nog n advertensie ploatsen. Wel wait wat doar op òf komt. (*dut alsof hai thoes is*) Zo zol ik de haile dag zitten kennen en ik dou het ook! (*Henry kikt hom kwoad aan en gaat stoan*)

Betsy: Henry, wils nog nait ain kòpke thee?

Henry: Nee, dank je wel! (*ze nemen òfschaaid en Betsy let hom oet*)

Betsy: (*komt terug, ze is vriendelek en toch koel. Tiddo is ienains weer angsteg wòrren. Betsy gaat zitten en kikt hom strak aan*) Nou mos mie es vertellen, wat scheelt er aigenlek aan, Tiddo.

Tiddo: Mie?... niks. Woarom zol mie wat mankeren?

Betsy: (*ernsteg*) Hes doe dronken?

Tiddo: Nee, mor ik zol wel n borrel lusten.

Betsy: Aarme ziel. Ik zel die nog n kòp thee geven. (*gaait stoan*)

Tiddo: Nee, nee.

Betsy: (*gaait weer zitten en legt heur haand op dij van Tiddo*) Kom....
Vertel mie alles mor.

Tiddo: (*haand wegtrekkend*) Ik wol da's doe mie nait op dij menaaier behandelsde.

Betsy: (*legt weer heur haand op dij van Tiddo*) Hou den?

Tiddo: (*verlegen*) As.... as.... Oh Betsy, waarom helps mie nait?

Betsy: Netuurlek wil ik dat. Kom op. Wat scheelt er aan?

Tiddo: En ik dòcht nog wel, dat ik 't zo makkelek zeggen kon!

Betsy: Zo stoer zel 't toch nait wezen? Dou dien oogn dicht en begun.
Denk mor dat ik dien moeke ben en vertel mie alles.

Tiddo: (*dut ien verlegenheid, heur haand ien zien baaide handen*)
Betsy.... wils doe.... wils doe mien.... moeke wòrren?

Betsy: (*haand terugtrekkend*) Tiddo!

Tiddo: Nee.... dat bedoul ik aigenlek nait.... Wils doe... mien....

Betsy: Tiddo ik geloof da's doe verlaifd bis!

Tiddo: Dòchs doe sums, dat ik pien ien 't lief heb? (*even stil*) Tou zeg den wat!

Betsy: Ik wait nait wat ik zeggen mout.

Tiddo: Dat is aans niks veur die!

Betsy: (*wat ien de war, mor toch geïnterreseerd*) Begriep ik 't goud,
Tiddo, da's doe mie nou perbaaiers te vertellen....

Tiddo: (*heur haand nemend*) Betsy wils doe mien vraauw wòrren?

Betsy: (*ploagend om 't annere te maskeren*) Zo.... ienains?

Tiddo: Tou Betsy, ploag mie nou nait zo.

Betsy: (*mit spiet*) Tiddo....

Tiddo: Zeg asjeblijft ja, Betsy.

Betsy: Ik wol, dat ik dat kon, Tiddo!

Tiddo: (*verboasd*) Betsy, doe wils toch nait zeggen....

Betsy: Het ken nait Tiddo.

Tiddo: Woarom nait?

Betsy: Vroag mie dat nait.

Tiddo: (*wat opvlaigend*) Doe verlangts toch nait dat ik zunner meer....!
(*verannerend*) Vergeef mie, dat had ik nait mouten zeggen... mor begrips den nait Betsy, wat 't veur mie betaikend....

Betsy: Aarme Tiddo!

Tiddo: Alles Betsy. Al vanòf mien jeugd heb ik aan die dòcht.

Betsy: (*zaacht*) Ja.... Ik heb ook wel es....

Tiddo: Wie hemmen baaide ons haile leven zo dòcht. Elk en ain dij ons kent, denkt dat wie traauwen goan.

Betsy: Ik ken nait mit die traauwen.....

Tiddo: (*hardstochtelek*) Woarom den nait!!!!

Betsy: Doar is n reden.....

Tiddo: (*ienvallend*) Om dat ik zo opvlaigend ben? Ik zel 't verannern. Ik ben nait zo slecht as mensen zeggen. Ik zel dien sloaf wezen Betsy, alles veur die doan, wat doe wils. (*Ze kikt hom aan, mor hai maarkt nait, dat hai 't juist verkeerd aanpakt*)

Betsy: Doe huifs niks veur mie te doun, Tiddo. Gain man krigt n vraauw, omdat hai heur sloaf wezen wil. (*even is 't stil*)

Tiddo: (*opains*) Doe bis toch nait verlaifd wòrren dou doe veur 't Rooie Kruus op pad west bis? Of hes doe n aner n belofte doan.

Betsy: Hou koms doe doarbie?

Tiddo: Netuurlek nait.... Doe bis nait ain van dij vraauwen, dij belang ien n man stelt van wel ze niks òfwait.... (*as hai heur nait aankikt, let ze maarken hou slecht hai heur kent*)

Betsy: (*heur antwoorden bennen ien striet mit heur gezicht*) Nee.... netuurlek nait.

Tiddo: En wat wait je van zo'n vremde òf, dij je doar zo mor tegenkomen.

Betsy: Denks doe Tiddo dat ik veul van n man hollen ken dij n vremde veur mie is?

Tiddo: Nee, zo bis doe nait. (*pauze*) Woarom kens doe nait van mie hollen, Betsy? Wat is de reden toch? Ik ben ien elk geval n gentleman!

Betsy: Messchain doaròm juist, Tiddo! Doe bis altied te veul gentleman! Doe hes mie nog nooit tot n doad waiten te brengen! Begrips dat nait? Want dàt is het toch, wat n vraauw groag wil?

Tiddo: Hèt n aner dat wèl doan?

Betsy: (*even stil....zachtjes*) Ja!

Tiddo: Wel?

Betsy: Dat dut er nait tou.

Tiddo: Wòàr den?

Betsy: Tiedens de hulp bie de slachtovvers ien Afghanistan....

Tiddo: Was 't n bekende?

Betsy: Nee. (*veur heur oetkiekend*) Het was op n moment dat er veul slachtovvers vonden werden. Ik werd deur dij man wegstuurd, mor door lagte ik om. Ik loat mie nait wegsturen zee ik tegen hom. Hai gaf mie een poar mannen mit om wat gewonden òf te voeren. Dou de ambulance even stil stond ben ik er oet sprongen en weer terug goan. Dou kwam ik hom weer tegen en hai stuurde mie weer weg, mor ik lagte hom weer oet. Dou draaide hai zich om en gaf mie n klap midden ien mien gezicht.

Tiddo: Hèt hai die sloagen?

Betsy: Joa en haard ook! Hai was zich nait ains van zien kracht bewust.

Tiddo: Wat n lafbek! Wel was het?

Betsy: Hai was.... een man.

Tiddo: Bis er achter komen wat zien noam is?

Betsy: Dàt dut er nait tou.

Tiddo: Dat dut er wel tou. Ik zel...

Betsy: Doe dus niks! Er vaalt niks te doun....

Tiddo: Woarom nait?

Betsy: Omdat hai.... dood is! (*even stilte*) Hai is mit veul eerbetoon begroaven.

Tiddo: Mit veul eerbetoon begroaven? Omdat hai de euvele moud hèt om weerloze vraauwen te sloagen?

Betsy: Nee! Hai hèt mit gevoar veur zien aigen leven n haile groep minsen red. Doe kens zain dat hai meer kon as allain vraauwen sloan.

Tiddo: Toch was 't grode bruut.

Betsy: Zols doe dat ook nait doan hemmen?

Tiddo: Joa.

Betsy: Wàs doe dat mor west! O Tiddo, waarom hes er nait veur zörgt, dat wie traauwt waren veur ik noar Afghanistan ging? Alles zol den hail aans verlopen wezen.

Tiddo: (*heur haand nemend*) Ik heb de kans had om noar Afghanistan oetzonden te wòrren. Er was n redeleke kans dat je doar sneuvelen zollen en dat wol ik die nait aan doun.

Betsy: Alsof n vraauw dat oeit van n man zel verlangen, as ze van hom holt?

Tiddo: Doe.... doe hiels van mie?

Betsy: Ja Tiddo ik geloof het wel.

Tiddo: Den zel ik er veur zörgen.... al mout ik die er drijmoal per dag veur om de oorn sloagen, da's doe weer van mie gaais hollen.

Betsy: (*dichter noar hom tou.... ze geeft hoast tou*) Tiddo... ik...

Tiddo: (*gaait vlak veur heur stoan en drukt heur tegen zich aan. Op dat moment komt Gerrie Van Starkenborg op. Een vraauw zunner n greintje humor. Ze vuilt zich hail belangriek. Ze zicht baaide jongeluu stoan en trekt veurboarege conclusie's*)

Gerrie: Oh, kiener, wat moaken joe mie dòàr blied mit.

Betsy: Mam! (*Tiddo's gezicht betrekt*)

Gerrie: Ja, ik begriep 't wel! Nou mor n korde verloven en den....

Betsy: n Moment mam! Joe komen hier binnen en joe moaken zo mor n gevolgtrekken, dij joe zulf groag willen. Tiddo en ik hemmen ons nait verloofd en zo ver ik wait, doun wie dat ook nait!

Gerrie: Mor.... ik zag toch.....

Tiddo: Joe hemmen geliek mevraauw. Ik had het er net over mit Betsy dou joe binnen kwamen.

Gerrie: 't Spiet mie kiener.... aarg dom van mie!.... Ik geloof dat 't beder is dat ik weggoa. (*wil weg gaan*)

Tiddo: Wèèr verkeerd mevraauw, Betsy waigerde mie.

Gerrie: (*gaait zitten*) Is er den ain van joe baaide dij mie vertellen wil wat er.....?

Betsy: Ik ken toch nait mit Tiddo traauwen mam as ik nait genog van hom hol!

Gerrie: Mor Betsy, doe mos toch es n kèèr traauwen.

Betsy: Mout dat den perséé?

Gerrie: Doar goa ik wel van oet.

Tiddo: Ik geloof, dat ik mor weggoa.

Betsy: (*holt hom tegen, zo dat hai weer gaait zitten*) Tiddo, loat mie nait allain. (*Tiddo krigt weer hoop en gaait zitten*)

Betsy: Ma, dit alles gaait allain Tiddo en mie aan! Ik zai nait ien, wat joe er mit te moaken hemmen.

Gerrie: Vertel mie nou eerst es, of doe bezwoar hes tegen het huwelek.

Betsy: Hou ken ik dat nou waiten? Ik ben nooit traauwt west.

Gerrie: Precies, dat is 't mooie van 't systeem. Ik heb nog nooit van n vraauw heurt, dij veur heur huwelek doar al bezwoaren tegen zol hemmen. Doar noa, ja, den is 't hail wat aans! Doe wais dat er veur dit huwelek hail wat te zeggen valt.

Betsy: Zo....

Gerrie: Dien pa en ik en ook Tiddo's òllers, hemmen er altied noar verlangd.... wàchten er al op...

Betsy: Allemoal goud en wel, mor ik mout toch mit hom traauwen.

Tiddo: (*gaait stoan*) Ik goa....

Betsy: (*drukt hom weer ien stoul*) Nee, doe gaais nait.

Gerrie: Betsy, geloof mie, doe moaks n grode fout. Mit de mainste poaren duurt het mainstal joaren veur hun familie's zo op mekoar iensteld bennen as de onze nou al.

Gerrie: Onze boerderijen liggen noast mekoar en ik hoop al joaren dat ze nog es aan mekoar koppelt wòrren.

Betsy: Mam je traauwen toch nait mit n man omdat je noast mekoar wonen.

Gerrie: Woarom nait? 't Is n bedere reden as dat de minsen deurgoans hemmen...

Tiddo: (*gaait weer stoan*) Het hèt gain zin om op dizze menaaier deur te goan. Ik zel joe de werkeleke reden vertellen. Dou Betsy mit het rooie kruus noar Afghanistan vertrok, is ze doar op n man verlaifd wòrren.

Gerrie: Ik ben er altied al op tegen west, dat ze doar hìn goan is. (*Betsy zit onbeweeglek*) Is dat woar, Betsy?

Betsy: (*knikt van ja*) Ja mam!

Gerrie: Wel is 't.

Betsy: Dat komt er nait op aan.

Gerrie: Komt dat er nait op aan?! (*Betsy gaat stoan en ze kieken mekoar recht ien de oog*) Wat veur ain is't. Vertel mie es hou hai hait! Of wais dat nait.

Betsy: Netuurlek wel.

Gerrie: Woarom vertels dat den nait?

Betsy: Ik heb 't Tidde al verteld..... Hai is dood!

Gerrie: Oh. (*Gerrie zucht van verlichten*) En as hai nog ien leven was, zols doe den mit hom traauwen?

Betsy: Zeker, zol ik dat.

Gerrie: Mor hai is overleden....

Betsy: (*zaacht*) Ja.

Gerrie: Den is't grootste bezwoar opheven.

Betsy: Oh.... hol toch op. (*stampvoutend*) Ik hol nait van Tidde...

Gerrie: Dat ken zo wel komen, elke vraauw wait dat.

Betsy: (*ken zich nait meer goud hollen*) O, ik hoat joe... ik hoat joe!!! (*runt kwoad òf*)

Gerrie: Nou zain je wel.... Abnormaal heftig.

Coba: (*links op*) Er is n man veur juffraauw Betsy.

Gerrie: Hou hait hai?

Coba: Dat hèt hai nait zegt, meneer.

Gerrie: Is 't n beedje schiere kerel?

Coba: O, nee mevraauw.

Gerrie: Het is netuurlek de nije hoesknecht. Betsy mout mor mit hom proaten. 't Is goud Coba, goa mor weer aan dien waark. (*Coba òf*)

Tidde: Het liekt mie 't beste dat ik ook moe goa, mevraauw. (*haand gevend*) Gòie mirreg mevraauw. (*deur toendeuren òf*)

Coba: (*op*) 't Is de hoesknecht nait, mevraauw.

Gerrie: Wel den?

Coba: Het is ain van 't Rooie Kruus. Hai zee dat hai n bòsschop haar veur Betsy van de overledene, mevraauw.

Gerrie: Wàt zeps doe doar?


Coba: Zó hèt hai 't zegt, mevraauw!

Gerrie: Loat hom den mor binnen, Coba.

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto